


成案所見集 三集



漢書門		九	二	四	八	四
類		九	二	四	八	四
函號		九	二	四	八	四
架		九	二	四	八	四
冊		九	二	四	八	四

內閣文庫

內閣文庫	
番號	漢 9249
冊數	48 (44)
函號	296 104

十下



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






搶奪推倒事主擎壓拔刀搶銀從重發黑龍江  
為奴船戶聽從搶奪分贓滿徒

乾隆四十七年六月十七日准

刑部咨據廣東撫巴 咨稱河源縣賊犯黃三保等  
搶奪盧起才銀錢擎壓事主一案緣黃三保于乾隆  
四十六年正月初九日途遇熟識之顧亞秀施亞亮  
談及貧苦顧亞秀見歸善縣屬柘榔潭河下有客民

盧起才灣泊杉排起意商同偷竊賣錢分用黃三保  
等應允是夜二更時分同夥三人各皆徒手前至柘





椰潭河下解脫拴繫木排繩索偷得杉木一排共三  
十四條順流放下小嶺村河邊撈放破爛糖寮內收  
藏尚未售賣是月十三下午顧亞秀僱伊妹夫曾亞  
二船隻至彼討賬背有錢包下船起意商同搶奪遂  
邀曾亞二上岸告知搶奪情由約俟船至縣屬鹽魚  
瀝擺船傍岸收緯時下船搶奪得贓分用曾亞二應  
允隨即開船顧亞秀同黃三保行至文書舖地方撞  
遇施亞亮復告知情由邀其入夥施亞亮應允帶鐵  
尺至鹽魚瀝口見曾亞二攏船傍岸收緯顧亞秀在

岸瞭望黃三保同施亞亮下船施亞亮拿出鉄尺走  
入艙內搶取錢包拋擲上岸顧亞秀拾取先跑事主  
盧起才向前追奪被黃三保推倒擎壓摸見盧起才  
身上兜肚番銀隨拔身佩小刀割脫攫取同施亞亮  
赶上顧亞秀告知擎壓情由同至鄧塘凹查點共得  
銅錢六千文番銀六員將番銀折算銅錢四千二百  
文四股俵分其曾亞二一股交顧亞秀轉給而散比  
事主盧起才見曾亞二任賊攫搶不行喊阻斥其同  
黨曾亞二懼事敗露向顧亞秀分得贓錢卽行逃逸



盧起才赴藍口汛稟緝該營以盜魚瀝口地方係歸善博羅河源三縣分界之所稟蒙檄飭會同查勘係河源縣轄屬訊供詳報嗣經緝獲曾亞二究出顧亞秀搶奪情由其該犯夥同分贓之處見質証無人狡不實吐續據兵役緝獲顧亞秀黃三保解赴歸善審明偷竊木排一案計贓罪較輕將顧亞秀等移解河源縣提同曾亞二質訊供認起意夥同搶奪分贓情田錄供通詳復奉批緝審逸犯施亞亮屢緝未獲茲據提集現犯審擬供認前情不諱查律載白晝搶奪

人財物者杖一百徒三年爲從減一等又例載搶奪殺傷之案以下手傷人者爲首在場助力者爲從其不會助力者仍照搶奪本律首從論又搶奪傷人傷非金刃又傷輕平復之首犯改發邊遠充軍爲從者杖一百徒三年各等語今黃三保首先推跌事主應照傷人爲首例問擬黃三保合依搶奪傷人傷非金刃又傷輕平復之首犯發邊遠充軍例發邊遠充軍但該犯見事主盧起才趕奪施亞亮所搶錢包既經推倒擊壓復拔刀搶割番銀情殊兇暴應請從重改



發黑龍江等處給披甲人爲奴顧亞秀雖未下船但  
糾衆執持鉄尺以致肆行攫搶實屬同惡共濟應干  
搶奪滿徒上加一等杖一百流二千里至配所折責  
四十板曾亞二未下手搶奪但身爲船戶聽從搶取  
分贓與在場助力無異應干黃三保軍罪上減一等  
杖一百徒三年仍照捕役行竊例枷號兩個月滿日  
折責四十板均照例分別刺字顧亞秀黃三保尙有  
夥同逸犯施亞亮行竊盧起才杉木計贓罪止杖刺  
已據歸善縣訊明議擬起贓給領應歸于本案從重

完結該犯等審無同居親屬知情分贓逃後亦無行  
兇爲匪及知情容留之入均毋庸議各犯係在隔屬  
行搶原籍牌頭保甲無從查察請免鞫訊黃三保等  
究明並無搶竊別案及另有窩夥已起之贓給主認  
領未獲各贓于各犯名下照追給領小刀據供丟棄  
無憑起追逸犯施亞亮飭緝獲日另結所有承審逾  
分限一月以上職名相應開報附奏除咨吏部外相  
應咨達等因前來據此黃三保應如該撫所擬解部  
發遣黑龍江給披甲人爲奴顧亞秀等應如該撫所



擬完結仍照例彙題可也

世

扒搶放火燒斃人命首犯恭請 王命正法

加功從犯斬決不得財從犯改發黑龍江為奴

刑部奏據安撫書 奏靈璧縣民田扒孜等扒搶孫

盛業家放火焚斃事主之子三命一案奉

硃批三法司核擬速奏欽此查律載放火行盜而殺一家

非死罪三人者凌遲處死財產斷付死者之家為從

加功者斬又例載強盜殺人放火燒人房屋不分曾

否得財俱照得財律斬隨即奏請斬決梟示又律載

盜已行而不得財者皆杖一百流三千里各等語此



案田抓孜起意扒搶糧食糾夥王老漢等各執器械塗臉推門進內胆敢因事主抵禦首先放火燒斃孫盛業之子二樂三樂及服屬大功胞姪媳黃氏一家三命兇惡已極除首犯田抓孜業經該撫審照放火強盜殺一家三人律擬以凌遲處死恭請

王命先行正法并照例梟首傳示該犯事地方外王老漢徐法聽從扒搶幫同放火致斃一家三命實屬濟惡王老漢徐法二犯均應如該撫所奏依放火行盜而殺一家非死罪三人爲從加功者斬律擬斬立決仍

照強盜殺人例俱梟首傳示該撫又奏稱王老漢尙有扒搶魏士奉家糧食用鉄棍毆傷事主一案核其情罪稍輕應歸此案從重究結田啟太田和尚聽從田抓孜前往扒搶均在外接贓並不知田抓孜在內放火但慘斃事主一家三命情罪較重田啟太田和尚均合依盜已行而不得財律擬杖一百流三千里從重改發黑龍江等處給披甲人爲奴仍面刺強盜字樣田抓孜並無妻子房屋應將該犯等所有驢頭口袋卽給事主孫盛業具領田抓孜之兄田架徐法



之兄徐彩雖訊不知情應與失察各犯爲匪之牌頭保甲均照例分別責懲孫婁氏傷已平復應毋庸議逸犯高朗等仍令該撫速飭上緊緝獲照例辦理該撫又稱失事處所係屬偏僻鄉村並無墩舖防兵被燬草房亦止二間今首夥九名已于踈防限內獲犯過半兼獲盜首文武踈防職名應免開叅等語應俟命下之日移咨吏兵二部照例查辦謹 奏乾隆五十一年四月初一日奉

旨王老漢徐法俱著卽處斬梟示餘依議

車夫竊盜餉鞘依例絞決夥竊從犯部改絞候踈脫兵丁擬流解官革職踈防地方官議處

刑部等奏據江西撫何 德化縣民孫家厚等偷竊餉銀一案欽奉

上諭據舒常奏江西撥解湖北銀六十萬兩分起運送有車夫孫家厚裝運一鞘行至德化縣離城十五里時已傍晚孫家厚卽將鞘車推至空屋內起意與壽州人馬六貴劈開二鞘竊銀二千兩俵分逃逸已將各犯拿獲並起出原銀一千八百一十兩請將踈防之



巡檢倪文煥革職等語已批交該部矣該犯等胆敢  
夥竊餉銀目無法紀情節甚屬可惡著傳諭何裕成  
卽將該犯及押解兵役嚴切究審不必拘泥封篆速  
行定擬具奏將此五百里傳諭何裕成並舒常知之  
欽此臣查馬六貴馬禮懷二犯在湖北黃梅縣監禁  
先經舒咨提未據解到臣復飛咨提解于正月十  
二日據湖北黃梅縣將二犯押解來江臣卽飭司審  
勘茲據臬司姚會同藩司李提同現犯孫家厚暨押  
解兵役等質審定擬詳解前來臣親加研鞫緣江西

省上年撥解湖北備賑銀六十萬兩經前撫臣舒

委員分批起解所有新淦縣杯山司巡檢倪文煥領  
解第三批銀五萬兩分裝五十鞘途經德化縣該縣  
照例撥護因後批踵至站夫不敷撥用添僱小車運  
送于十一月二十三日早自通遠驛起程內有車夫  
孫家厚裝載天字二十三號四十二號銀鞘二個與  
各夫同行是日天雨傍晚更太各車夫以離站尚遠  
爭先赶路孫家厚力怯落後押差聶魁同護兵蕭勝  
因各鞘多已上前倉皇送護不及兼顧詎孫家厚行



至距德化縣十五里之和尙墳地方天黑地滑難于行走將車推入路旁空茅屋內暫歇先有乞丐壽州民人馬禮懷同弟馬六貴母王氏在內睡宿起而點燈照着彼此各道窮苦孫家厚起意夥取鞘銀均分逃走商之馬禮懷等均各允從孫家厚卽取車上所帶修車舊斧令馬禮懷相帮將兩鞘先後打開孫家厚取銀五百五十兩計五十五錠用布袍包裹自負慌忙逸去馬禮懷馬六貴將留下銀兩分貯布袋籬筐弟兄分携與伊母王氏當夜遁逸是晚各鞘俱抵德化縣城該兵役查二有銀鞘二號未到轉身尋覓無踪該縣亦卽遣役追查次早在于該處查見鞘壳稟知該縣張發長親詣查勘德安縣嚴儀亦馳至會勘協緝二十六日據各差同原解兵役緝獲孫家厚並原銀五百五十兩究出夥犯星飛追拿馬禮懷等于得銀逃走後行至德化縣交界之黃梅縣孔龍地方携銀赴店易錢經緝役窺破同黃梅縣兵役搜獲銀一百二十六錠計一千二百六十兩並將馬禮懷馬六貴拿獲就近送黃梅縣監禁尙少銀一百九十兩



訊據馬禮懷供稱二十三日夜間挑走地滑失跌傾  
 出籮銀黑夜檢拾不盡以致缺少等語該二縣因賑  
 銀緊要即將起獲銀兩裝鞘並將短少一百九十兩  
 添補足額交給委員倪文煥解往湖北一面將失鞘  
 獲犯緣由稟請該管九江府轉稟經前撫臣舒 將  
 委員倪文煥並接護之通遠驛驛丞劉德遠 奏請  
 革職並請將德安縣嚴儀德化縣張發長交部議處  
 在案茲臣遵

旨提訊各犯據供前情不諱臣以該犯孫家厚將車推入  
 道旁空屋適有馬禮懷等在內商同偷竊似屬預有  
 期約又孫家厚起意商竊何以分銀獨少其缺少無  
 着之一百九十兩雖據馬禮懷供稱途間傾跌遺失  
 但事無証據焉知非別無夥分之人該犯等代為隱  
 匿開脫並恐押解兵役有明知故縱情弊復嚴行究  
 詰加以刑訊據供實係推入空屋一時起意並非預  
 先期約其孫家厚分銀數少實因力怯不能多帶若  
 果有預謀自必預倩分携之人焉肯分銀獨少至缺  
 少之銀實係中途遺失若此外尚有同夥自必照股





均分斷無僅收一百數十兩之理况我等身犯重罪  
何肯替人開脫並據該兵役堅供是日天晚雨大各  
車夫因離城尙遠爭先赶路該兵役慌忙追赶以致  
顧前失後現今首犯孫家厚係役等指認拘獲如有  
串竊情事豈肯代役等隱瞞剖辯甚力似無遁飾將  
孫家厚依例擬絞監候請

旨卽行正法馬禮懷等擬以遣流杖責等因具 奏前來

查例載竊盜鞘餉失事之兵役如有違例雇替托故  
潛回無故先後散行者減首犯罪一等各等語此案

孫家厚推車載送餉鞘因天雨落後輒將餉車推入  
路旁空屋起意與乞丐馬禮懷馬六貴夥竊鞘銀孫  
家厚應如該撫所奏合依竊盜鞘餉至一百兩以上  
者絞監候例擬絞監候仰該犯受雇運送餉鞘輒敢  
中途肆竊餉銀數至二千兩之多實屬目無法紀應

請

旨卽行正法以示懲創該撫奏稱馬禮懷馬六貴各照爲  
從減一等應杖一百流三千里但該二犯夥竊餉鞘  
擬流不足蔽辜應均從重改發黑龍江給披甲人爲



奴等語查馬禮懷馬六貴明知鞘餉胆敢聽從孫家厚打開餉鞘竊取二千兩該二犯分肥至一千四百餘兩較之首犯尤多若僅如該撫所奏依爲從律擬流改遣尙覺情浮于法應將馬禮懷馬六貴卽照竊盜鞘餉一百兩以上者絞例擬絞監候以爲愍不畏法者戒再該撫奏稱押差聶魁護兵蕭勝雖訊一時踈忽但當孫家厚車輛落後並不留心催查以致失鞘殊屬怠忽未便因其協同拿獲稍從輕減應仍照兵役違例雇替托故潛回無故先後散行致有被失減竊鞘首犯一等例杖一百流三千里馬王氏事後知情不卽首稟雖律得容隱但餉銀非尋常竊盜可比應照不應重律杖八十照律收贖原失鞘銀已據該二縣照數補足起解未獲銀兩追出入官至新淦縣杯山司巡檢倪文煥護解官通遠驛驛丞劉德遠訊係失于防範現在犯已全獲業經革職應毋庸議等語均應如該撫所奏完結又奏稱僉差不慎之德安縣知縣嚴儀踈防之德化縣知縣張發長先經附奏聽候部議兼統文武各職名查取到日另行咨參



等語恭候

命下移送吏部查辦乾隆五十一年三月二十八日奉

旨孫家厚著卽處決馬禮懷馬六貴依擬應絞著監候秋  
後處決餘依議欽此

窩匪竊賊勒贖多案首犯比照白晝搶奪三犯  
擬絞立決從犯分別軍徒

刑部議覆山東巡撫覺羅長 奏稱竊賊東省地方  
每有匪棍勾結夥黨肆出偷竊最為鄉閭之害兗州  
曹州為尤甚臣抵任後留心訪查本年六月間訪聞  
鉅野汶上等處有巨窩糾竊擾害之事恐犯夥眾多  
聞拿竄逸臣密委壽張縣知縣王穀單縣知縣楊楷  
泰安縣主簿陳藉并移令兗州鎮總兵柯藩派委遊  
擊王文雄守備仙鶴齡湯紹良等改裝易服令同地



方官密往查拿去後嗣于八月初二日據該員等稟報前赴鉅野縣田家集及茨梅屯等庄拿獲巨窩捐職運判田玉堂卽田翰宗並縣賊王位三等十一名又于初六日據報在汶上縣包家庄等處拿獲積窩包五箇包希慶并夥賊包四卽包希英等十五名先後押解來省臣率同布政使繆其吉按察使張光熊濟東道齊克慎濟南府張方理親提嚴鞫緣田玉堂卽田翰宗籍隸鉅野素不安分乾隆十九年捐納運判縱酒好賭交結匪徒乾隆五十年先後招引賊匪

王舒安卽化亭在家居住行竊嗣欲多糾夥犯藉以欺壓里隣復與王位三馬藏王得亮王纏王藏段龐郝應時馬良弼並未獲之王永康王濟成王興邦張二劉捷郭二杭雙汪桐陳同等時相往來各犯俱藉田玉堂聲勢包庇肆竊自乾隆五十年十一月至本年七月王位三同王舒安王永康卽化亭郝應時張二段龐劉捷王得亮等陸續偷竊單縣等處牛驢九案卽化亭同王舒安王位三王永康汪桐劉捷王得亮張二陸續偷竊單縣等處牛驢衣服九案王舒安



同王位三軒化亭王永康汪桐劉捷張二王得亮郝  
應時郭二王興邦王纏杭雙等陸續偷竊曹縣等處  
十案段魔同王位三軒化亭王得亮等陸續偷竊鉅  
野等處牛驢八案王得亮同各犯偷竊城武等處牛  
驢衣服十案王纏同各犯偷竊城武等處牛驢糧食  
九案馬藏同各犯偷竊牛驢十案王藏同各犯偷竊  
騾馬牛驢十案郝應時同名犯偷竊牛驢九案田玉  
堂陸續分得騾馬牛驢俱亦有事主贓數地保人等  
懼其囑賊偷竊不敢稟首北田玉堂倚恃相職護符  
窩匪肆竊爲害地方之實在情形也至包五卽包希  
慶汶上縣人伊父包得功前因窩賊分贓並主使開  
二等割斷捕役腳筋發遣伊兄包箱行竊鉅贖擬絞  
正法又伊兄包希素行竊擬徒釋回後病故現獲同  
案之包四卽包希英亦經犯竊充徒限滿釋回復又  
犯竊枷號刺字該犯包五于乾隆三十八年行竊擬  
徒遇

赦釋回後怙惡不悛四十一二年糾同軒五楊東江趙  
三福偷竊鄆城縣程天爵汶上縣李太家牛騾嗣又



先後糾約現獲之王花桃劉松王七李二張扁田鉄  
頭田秃子程連石喜林趙三福包希柱王學僧卽五  
鬍子卽卽坤石暨未獲之卽五田雙秦花程四李三  
張士貴辛二曹四等肆行出竊包五勒贖分贓自乾  
隆四十一年至本年七月王花桃同李三石喜林包  
希柱王七田秃子秦花等陸續偷竊鄆城等處牛驢  
十二案劉松同趙三福等偷竊范縣等處牛驢六案  
王七同王花桃等偷竊汶上等處牛驢六案李二同  
王花桃等偷竊鄆城等處牛驢七案張扁同王花桃  
辛二等偷竊鄆城等處牛驢六案田鉄頭同王花桃  
劉松田秃子程連楊三程四等偷竊汶上等處牛驢  
七案田秃子同王花桃等偷竊汶上等處牛驢六案  
程連同田鉄頭等偷竊汶上等處牛驢四案石喜林  
同曹四等偷竊牛驢四案趙三福同包五張士貴等  
偷竊范縣等處牛驢六案包希柱同楊東江等偷竊  
汶上等處牛驢四案包四卽包希英同田鉄頭等偷  
竊范縣等處牛驢五案以上包五勒贖各案或王學  
僧卽五鬍子代爲說合分肥或係事主自向包五取



贖據包五及各犯供認確鑿并查明各事主被竊贓數相符此外或事經久遠或零星小竊堅稱不能細記此包五窩匪肆竊勒贖分肥擾害地方之實在情形也臣查田玉堂包五各集多匪肆出擾累被竊之案不可勝數何以各事主多不報官緝究甘心隱忍受其勒贖且該犯等敢于明目張胆肆行無忌恐平日必有劫掠搶逞克拒捕及別項不法情事反覆究詰據田玉堂包五并夥犯王位三劉松等俱稱田玉堂倚恃護符包五累世積惡被竊鄉民慮恐挾仇

報復是以明知賊賊下落不敢報官等語伏查田玉堂包五等堅供止于行竊得贓實無另有強劫逞兇情事加以刑嚇矢口不移似無遁飾將田玉堂包五均依例擬絞立決王位三等二十二犯擬遣王學僧斬五鬍子張東揚地方田光普呂大興等五犯擬徒等因具 奏前來查乾隆四十五年臣部議覆廣西巡撫李 奏葛精怪糾夥肆竊勒贖分贖一案比照白晝搶奪三犯例擬以絞決奏准通行在案又積匪猾賊為害地方收發極邊烟瘴充軍又窩留積匪之



家卽照本犯一律發遣其未經造意又不同行但經窩留分得些微財物或止代爲賣贓者均減本犯一等治罪各等語此案田玉堂窩賊分贓雖訊無恃強勒贖情事但以捐納職官恃符庇竊招引匪徒肆行擾害地方且欲倚仗賊勢欺壓鄰里實屬日無法紀包五先因犯竊擬徒且其父兄俱因窩竊問擬重罪該犯復毫無畏懼又敢包庇賊匪疊竊多案勒贖分贓至十餘次之多均屬不法核其情節正與葛精怪肆竊之案相符應如該撫所奏田玉堂包五均應比照白晝搶奪三犯擬絞立決例擬絞立決查田玉堂以捐納職員不知守法乃敢窩留積匪坐地分贓益肥私橐包五父子兄弟均以窩賊世濟其惡積歲累年分贓累累該二犯已擬絞決所有田地房屋及一切貲財應令該撫均籍沒入官毋任絲毫隱漏該撫奏稱田玉堂所窩積匪王位三王舒安馬良弼俱倚恃田玉堂包庇疊竊分贓自六七案至十餘案不等包五夥犯包四劉松王花桃王七李二張扁田缺頭田禿子程連石喜林包希柱趙三福或犯罪擬徒釋



回或犯竊枷杖刺字均不思悛改倚恃包五庇護各行竊五六案至十餘案不等均屬積匪滑賊擾害地方未便拘泥行竊次數之多寡分別擬以遣徒王位三等二十二犯均應照積匪滑賊例改發雲貴兩廣極邊烟瘴充軍照例刺字到配所杖一百折責四十板等語查王位三等二十二犯倚恃田玉堂等庇護肆竊多案實屬擾害地方應如該撫所奏俱實發雲貴兩廣極邊烟瘴充軍面刺改遣二字行令各該督撫分派各地方官嚴加管束毋使聚集一處致滋事

端如有脫逃卽行正法該撫又稱工一學僧卹五鬍子代包五攬贖贓物復節次買贓變賣分肥獲利張東揚爲王花桃程連販賣贓物核其法節均與窩頓無異王學僧卹五鬍子張東揚均應照窩留積匪未經造意又不同行減本犯一等治罪例于王花桃等遣罪上減一等杖一百徒三年田家棗地方田光普包家庄地方呂大興明知田玉堂包五招匪肆竊勒贖得贓容隱不報雖無受賄情事但所管地方竟敢匿賊不報未便輕縱均應照容留流棍發近邊充軍例



量減一等杖一百徒三年失察各犯為匪之牌甲人等飭縣查明照例遞減折責革役不能禁約之父兄分別責處未獲各犯嚴緝務獲另結被竊各事主均係鄉愚恐各犯挾仇報復未經具報應免置議勒贖銀錢及未獲各贓于各犯名下照追分別入官給主田玉堂捐納執照追出繳銷失察之地方官查取職名另送部議等語均應如該撫所奏完結其未獲之卅五陳同等三十一犯應令該撫飭緝務獲照例辦理毋使一名漏網以靖地方並查取失察之地方官

職名送部議處乾隆五十二年十二月十六日奉

旨田玉堂包五俱著卽處絞餘依議



竊盜臨時用強傷死事主首犯卽斬傷人盜在  
家自縊仍戮屍梟示

刑部題覆廣東巡撫圖 疏稱西寧縣賊犯鄧灶妹  
等聽從羅正新夥竊蕉觀祐家臨時行強羅正新戮  
傷事主蕉觀祐身死畏罪自縊一案緣鄧灶妹于乾  
隆五十四年正月初九日與鍾亞抄王泰保王口保  
洗金成先后至羅正新家拜年共談貧苦羅正新稔  
知蕉觀祐家有積蓄起意商同行竊得贓分用鄧灶  
妹應允約定是晚在羅正新家聚會洗金成又糾得



洗亞養洗亞珍入夥至期羅正新攜帶竹鎗一枝洗  
金成帶鉄鍬一把鄧灶妹鍾亞抄王泰保王日保各  
帶布袋一個洗亞養洗亞珍徒手先後畢集同夥八  
人三更時分齊抵事主門首洗金成用鉄鍬撬開大  
門事主蕉觀祐同姪蕉亞水醒覺一齊點燈起視羅  
正新以事主人少又起意商同行強各皆允從羅正  
新卽派洗亞養洗亞珍在外瞭望王泰保王日保在  
外接贓自同鄧灶妹鍾亞抄洗金成入屋搜劫事主  
蕉觀祐持棍向前攔阻羅正新用竹鎗戳傷蕉觀祐  
左血盆倒地並嚇禁蕉亞水不許聲張洗金成鄧灶  
妹鍾亞抄進房搜取衣服銅錢米穀遞交王泰保等  
接收一同走出向王泰保等告知戳傷事主情由分  
携贓物同至羅正新家查點共劫得銅錢七千二百  
文穀二石米三斗衣服布疋棉胎共十五疋先將銅  
錢米穀派作九股俵分羅正新起意爲首得雙股餘  
俱單股每股分錢八百文穀二斗二升米三升零羅  
正新在衣服內先拿藍布夾袄一件烏布短袄一件  
赴順寧當舖當得銅錢一千六百文其餘衣被布疋



棉胎賣得錢三千八百文連當得錢文照前俵分每股又分錢六百文各散蕉觀祐傷重旋即殞命屍姪蕉亞木投保報縣會營勘驗緝獲鄧灶妹等到案究出夥黨據報首犯羅正新聞拿畏罪在家自縊身死經該縣驗明搜獲當票起賄訊供通詳緝審據報案犯鄧灶妹患病病故均經該縣驗具圖結通報各在案逸犯洗金成差緝未獲屢審據鍾亞抄等供認前情不諱除罪應斬決之鄧灶妹擬遣之洗亞養均于取供後在監病故不議外將羅正新依例擬斬決

臬示鍾亞抄王泰保王日保洗亞珍擬斬立決照例先行刺字聲明維正新畏罪在家自縊身死仍斬屍臬示鍾亞抄法無可貸王泰保王日保洗亞珍情有可原逸盜洗金成緝獲另結等語具題前來除罪應斬決之鄧灶妹及擬遣之洗亞養均于取供後在監病故不議外查律載共謀爲竊臨時行強以臨時主意及共爲強盜者不分首論又強盜已行而但得財者不分首從皆斬又例載強盜殺人斬決臬示又盜劫之案各督撫嚴行究審將法所難宥及情有可



原者一一分晰于疏內聲明大學士會同三法司詳議將法所難宥者正法情有可原者發遣各等語此案羅正新先謀夥竊臨時復起意行強截傷事主殞命該犯雖經畏罪在家自縊身死但係殺人克盜應令該撫仍依律斬屍梟示以昭炯戒該撫疏稱鍾亞抄人室搜賍係屬法無可貸王泰保王日保洗亞珍在外瞭望接賍並無克惡情狀且行劫止此一次均屬情有可原等語應如該撫所題法無可貸之鍾亞抄合依強盜已行而但得財者不分首從皆斬律擬

斬立決情有可原之王泰保王日保洗亞珍均合依強盜免死減等解部發遣黑龍江等處給贖贖人爲奴逸盜洗金成應令飭緝務獲審擬具題該撫疏稱羅正新之父羅仕高訊無知情分賍合依父兄不能禁約子弟爲盜例杖一百折責四十板失察鄧灶妹等行劫之牌頭鄧成文等應革役鄧成文鍾揚光王居成洗達江均合牌頭失察例笞四十各折責十五板甲長梁惠成鍾芳王德邦洗達已均合依牌頭失察例減一等笞三十折責十板地保梁維宇陳仲信



王振法洗章通減二等笞二十各折責五板各犯訊  
無竊別案及另有窩夥亦無同居親屬知情分贓  
堂戶訊非知情受當均毋庸議買贓之人據供不識  
姓名無憑提訊已起之贓經給主領未起之贓同當  
本錢文應于各犯名下查產變賫給領行克竹槍并  
竊具布袋俱已丟棄無憑起追死棺飭屬領埋等語  
均應如該撫所題完結再該撫疏稱本案首夥八人  
已于限內經兵役會同拿獲六名畏罪自縊一名獲  
犯已經過半盜首亦已自縊文此疎防職名均請免  
叅監斃盜犯僅止二名官獄官例得免議職名並請  
免開等語恭候

命下臣部移咨吏部兵部照例查辦等因乾隆五十四年  
九月二十五日題十月初五日奉

旨羅正新仍著斬屍梟示鍾亞抄著卽處斬餘依議欽此  
本案逃犯洗金成績獲到案該犯入室搜贓法無  
可貸擬斬立決



行竊官船被覺起捕求無聲喊照強盜辦理地

方文武俱行叅革

山東撫覺羅長 奏竊臣於四月二十四日接據嶧  
縣知縣沈則文稟報四月十六日有江蘇布政司奇  
眷屬船隻行至臺莊地方因馬頭墩舖船多擁擠  
卽在丁廟以西僻濶處所停泊是夜二更有賊數人  
撥開艙門進艙行竊家人楊松齡醒覺賊人當欲跑  
避楊松齡喊人捕拿賊人出艙在船頭聲言我等過  
路行人缺少盤費求無聲喊楊松齡聞言喊捕愈急



賊人當卽逃逸查點船內失去小箱一隻內貯銀三百兩並耳挖一枝豆瓣金簪一對及腰刀等物現在已經盤獲案內賊犯李三任九二名嚴訊夥犯姓名確數住址多撥幹役嚴緝等情稟報前來臣接閱之下恐該縣意存規避有以強報竊情事當卽飭委兗州府知府高宮璽東昌府同知恩保馳赴該船查勘失事情形及是強是竊確訊該船家丁船戶供詞以馮叅辦去後茲據稟稱勘得該船艙門窓板並無傷損研訊家人楊松齡及船戶人等僉稱委係撥門行竊及經喊捕聲言缺少盤費求無聲喊各等情悉與原稟相符查臺莊地方爲江南山東交界處所五方襍處賊盜最易潛踪文武各員分宜晝夜巡防實心查緝方足以靖盜賊而安地方茲官船停泊竟至被賊失事且賊人旣在船頭公然講話卽與行強無異除拿獲各犯卽照強盜例究辦外所有該管地方文武員弁若是僅照盜案開報疎防實不足以昭警戒而懲疎忽應請將嶧縣知縣沈則文駐劄臺莊之叅將劉世勲專汛千總曹統標一併革職以爲玩視巡



防者戒除選派員弁兵役分路躡緝務期全獲併一百分別委員摘印署理查明該縣倉庫錢糧及該泰將經手營務軍裝有無未清另報並飭該管上司查明文武失察各職名另行查叅外臣謹會同兗州鎮臣柯藩恭摺具奏伏祈

皇上睿鑒施行謹奏乾隆五十三年五月二十一日奉上諭據長麟奏江蘇布政司奇豐額眷屬船隻行至臺莊丁廟地方有賊數人撥開艙門進船行竊經家人喊捕當卽逃逸失去小箱一隻內貯銀三百兩並金簪

腰刀等物請將嶧縣知縣沈則文叅將劉世勳千總曹統標一併革職等語沈則文劉世勳曹統標俱著革職上年直隸靜海縣地方甫有學政劉權之眷船被竊之案今奇豐額眷屬船隻又在山東臺莊地方被竊此等俱係官眷船而賊犯等公然上船盜竊可見內河地方盜賊肆行不一而足該地方官因係官船被劫不能隱匿是以據實稟報此外民人及商賈仕來船隻遭其擾累者恐復不少而地方官平日諱匿不報自非一案何以戢奸宄而安善良此案除已



經盤獲賊犯二名外其餘逃逸各犯該撫務須嚴行究訊按名查拿毋任遠颺漏網並著沿河之督撫督飭地方文武上緊查拿以安行旅再有似此並將督撫治罪該部知道摺併發欽此

護解餉鞘被夫竊逃不報解官地方官革職發軍臺効力贖罪兵役夫頭減犯人罪一等

閩督李 奏竊照湖北委員管解餉鞘至蒲城地方被竊一鞘該縣知縣李景觀商同委員黃陂縣縣丞熊泗賠解諱匿不報一案臣伍 接准江西撫臣何來咨卽恭摺奏請

旨將李景觀熊泗革職提省究辦旋欽奉諭旨著傳諭李侍堯伍拉納卽將該員等拿問嚴行訊究如何商同諱匿賠補並提集同行抬夫及押解接護





官弁兵役人等一并詳悉審究務得實情卽行具奏  
欽此臣等遵卽行提一千人等到臬督同署藩司伊  
等逐一研訊緣湖北委員黃陂縣縣丞熊泗管解  
撥閩餉銀五萬兩計裝五十鞘于上年十一月二十  
四日運至浦城縣該縣李景觀令夫店頭人祝顯文  
雇夫接運每夫一名背負一鞘編號發夫會同署浦  
城營守備事建寧鎮中營千總葉永茂派縣役徐京  
營兵龔得勝于二十六日起程前進是夜住宿石陂  
水柏街二十七日天雨路滑鞘夫行走遲緩兵役夫  
頭並不隨同管押至晚行抵營頭查點餉鞘短少人  
字二號一鞘李景觀熊泗復差兵役查至葛墩土亭  
側茅草內尋見鞘壳內銀一千兩全數被竊當差役  
追查并傳祝顯文訊究其人字二號之鞘係林新組  
保領江西人江廣興受雇背負卽差役帶同祝顯文  
林新組赴附近並金溪一帶躡緝賊無獲該委員  
熊泗以若獲賊起贓再解未免遲悞軍需向李景觀  
商說李景觀卽告以只可墊銀先解熊泗依允李景  
觀卽將碎銀傾成元寶裝入原鞘交委員趕運赴省



冀免處分商同諱匿不報署守備葉永茂亦卽扶同  
隱諱迨江西省獲賊徐長俚訊認在浦城縣地方受  
雇背鞘行走落後乘閒開鞘竊帶元寶潛回其餘挖  
坑埋藏准咨委員前赴指埋處所刨挖未得提訊兵  
役人等僉供如一臣等惟恐同行抬夫尙有串竊情  
弊及該管道府鎮將或有知情代爲狗隱等事覆加  
嚴究據供當時查失餉鞘卽據林新組認係江西人  
江廣興所背林新組並無串竊分贓情事現在解赴  
江西審辦此外實無同竊之人至私賠匿報該道府  
鎮將實無知情狗隱情事再三究詰堅供如一似無  
遁飾查例載地方失竊地方官諱匿不報者每案罰  
俸六個月不行查揭之該管道府州罰俸三個月又管  
押餉銀失事之兵役依管解偶至疎失當有確據者  
減二等治罪各等語此案餉銀在途被竊地方官自  
應一面賠補一面通詳嚴緝賊犯究辦乃李景觀等  
畏懼處分胆敢通同舞弊以賠補了事諱匿不報希  
圖消弭藐玩可惡實非尋常諱竊可比自應從重究  
擬以示懲儆應將浦城縣知縣李景觀押送委員湖



北黃陂縣縣丞熊泗署守備事建寧鎮中營千總葉永茂一并發往新疆効力贖罪縣役徐京營兵龔得勝夫頭祝顯文係管押之人自應隨同行走乃因天雨路滑竟至就延落後並不小心管解致被挑夫乘間竊逃若依管解疎失僅擬杖徒不足示儆應從重于徐長俚偷竊餉鞘絞罪上減一等杖一百流三千里到配折責發落其不行查察之該管建寧府知府兼署建寧同知鄭塘建寧鎮標中營遊擊音德布請旨交部嚴加議處兼轄護理延建邵道另案革職之前任

福州府知府李振文統轄代辦建寧鎮總兵事即係中營遊擊音德布亦例有處分應請

旨一併交部議處所有審明定擬緣由臣等謹恭摺具奏并另繕供單恭呈

御覽為此奏 聞伏乞

皇上聖明睿鑒乾隆五十三年九月十一日奉

旨批該部議奏欽此

刑部奏查此案餉銀在途被竊地方文武各官自應一百賠補一面通詳嚴緝賊犯究辦乃知縣李景觀



規避處分商同委員縣丞熊泗賠解諱匿不報署守  
備葉永茂亦卽扶同隱諱希圖消弭藐法可惡實非  
尋常諱竊可比自應從重定擬李景觀熊泗葉永茂  
均應如該督等所奏一併發往新疆効力贖罪卽令  
該督解發伊犁以示懲儆該督又奏稱縣役徐京營  
兵龔得勝夫頭祝顯文係管押之人自應隨同行走  
乃因天雨路滑竟至延遲落後並不小心管解致被  
挑夫乘間竊逃若依管解踈失僅擬杖徒不足示儆  
應從重于徐長俚偷竊餉鞘絞罪上減一等杖一百

流三千里到配折責等語查解閩餉銀最關緊要自  
毋得稍有踈虞乃縣役徐京營兵龔得勝于奉差管  
解餉鞘並不隨同挑夫小心管押輒因天雨路滑胆  
敢在後緩行以致餉鞘被挑夫偷竊潛逃實非尋常  
踈失可比若照該督等所奏予以杖流尙不足示懲  
徐京龔得勝均應從重發往烏魯木齊給兵丁爲奴  
照例刺字以示懲儆至祝顯文係屬夫頭究與兵役  
有間應如該督等所奏擬流完結再該督等奏稱不  
行查揭之該管建寧府知府鄭唐建寧鎮中營遊擊



音德布請

行交部嚴加議處兼轄延建邵道李振文統轄代辦建寧  
鎮總兵事即係中營遊擊音德布例有處分應請  
旨一并交部議處等語恭候

命下移咨吏兵二部辦理可也乾隆五十三年九月二十  
九日奉

旨依議欽此

竊盜臨時勒死事主五年後另犯竊案究出情  
由贓當無存有簿可憑定案

刑部奏據安撫陳 奏巢縣盤獲匪犯曾副全究出  
夥同時宗雨行竊臨時行強勒死事主席申聚一案  
緣曾副全籍隸無為州向習唱戲與含山縣民時宗  
雨同班熟識乾隆四十八年十二月二十二日曾副  
全度歲無資赴和州覓人借貸行至含山縣清溪街  
上與時宗雨相遇共道貧苦適有該處三官廟住持  
道人席申聚負錢經過時宗雨指稱席申聚僅止一



人住廟出外化緣頗有積蓄會副全詢係孤廟四無鄰居起意糾竊時宗雨應允約定次日會齊二十六日夜會副全攜帶松棍走至三官廟前時宗雨已在彼等候時值三更卽撥開廟東角門二人同到席申聚臥房門首會副全用松棍撬落門枋進內聽聞席申聚睡熟該犯等于黑暗中摸取錢物未得會副全悄悄向時宗雨商議以席申聚係屬單身不如點火搜尋卽醒覺亦易制伏遂卽將身帶火具打火點燈席申聚驚醒喝問會副全上前用手將席申聚連被按住席申聚兩手壓在被內不能伸出燈光下認係時宗雨聲稱指名告宥將兩脚亂蹬會副全見席申聚用力掙扎連被掙落下地瞥見席頭有紅布帶一條起意致死滅口令時宗雨將席申聚兩脚抱住卽騎跨席申聚身上兩膝跪壓左右被角席申聚仰面喊掙會副全抽取布帶繞勒席申聚咽喉項頸又將帶頭纏繞連口勒住兩手拉緊打結登時殞命該犯等卽在床下搜得錢文並將床上衣褲棉被及銅鑼米糧一併攫取携贓帶棍逸出俵分各散時宗雨次



早卽携衣褲銅鑼潛逃巢縣許同泰陳裕豐各典舖  
 分當七二折銀一兩四錢會副全自赴當塗縣賣餃  
 生理將松棍燒燬原贓布襪當于當塗縣震吉典舖  
 得七六銀三錢五分當票同布被棉袍均賣給過路  
 不識姓名人得錢花用席申聚被勒身死後次日村  
 民童有聚送紙到廟驚見告知屍叔席時得報縣前  
 縣周拱驗訊通詳飭緝未獲業經按限查叅議結在  
 案會副全貧無生理于乾隆五十三年七月二十七  
 日仍往巢縣覓戲班將晚時候經過城東白鶴菴見  
 佛桌供有錫器起意行竊遂入菴潛匿至夜竊取香  
 爐燭臺花瓶錫壺等物赴城欲當卽被巢縣差役黃  
 陞等盤獲連贓解縣該署縣李鳳丹訊明行竊情由  
 並究出該犯夥同時宗雨臨時行強勒斃事主席申  
 聚之案飛關含山縣拘獲時宗雨查訊相符弔取行  
 克布帶解巢質訊查起在巢當贓皆因年久出變無  
 存惟時宗雨在許同泰典所當銅鑼有底簿可查並  
 經當塗縣查起震吉典底簿開有會副全所當藍布  
 大褂日月銀數均核與該犯所供無異審擬由司招



解臣提犯研鞫據將起意糾竊臨時行強勒索事主各情供認不諱詰無另有窩夥竊劫別案查此案雖年久賍消現無起獲但曾副全時宗雨二犯經巢縣含山二處獲案之時其供認出入門徑謀勒致死情形及行兇布帶顏色俱各不謀而合核之含山縣勘驗初詳亦屬不爽且所當衣被銅鑼現查該典底簿均屬相符其廟內銅鑼來歷亦據含山縣查明確鑿是曾副全時宗雨實爲此案兇盜已無疑義曾副全除行竊白鶴菴一案罪止杖刺不議外應與時守雨均依律擬斬立決仍照例梟示先行刺字等因具

奏前來查律載共謀爲竊臨時行強以臨時主意及共爲強盜者不分首從論又強盜已行而但得財者不分首從皆斬又例載強盜殺人斬決梟示各等語此案曾副全與時宗雨夥竊三官廟事主席申聚驚醒喝問曾副全臨時起意行強騎跨席申聚身上時宗雨帮同按捺兩腿用布帶將席申聚登時勒斃搜取衣物錢文實係共爲強盜殺人曾副全時宗雨應如該撫所奏均合依強盜已行得財不分首從皆斬



律擬斬立決仍照強盜殺人例梟示該撫又奏稱時  
 宗雨有父時有倫雖不知情但失于約束應照不能  
 禁約子弟為盜例杖一百傳案折責發落會副全訊  
 無同居父兄原籍牌甲隣佑俱不知情均免置議會  
 副全行竊白鶴菴贓物業給事主領回席申聚被劫  
 各贓照估追賠給屬具領等語均應如該撫所奏辦  
 理完結至該撫原奏稱該署縣李鳳丹係潛山縣縣  
 丞委署到任甫經五日即能差捕巡獲匪犯究出隣  
 縣行強得贓勒斃事主五年未破之案並立時關獲  
 同夥兇盜不致漏網尚屬實心辦事該員人本勤能  
 本任內亦無承緝逃盜未獲可否送部引  
 見以示鼓勵之處出自

聖恩等語應俟

命下之日移咨吏部照例辦理臣等謹會同合詞具

奏伏祈

睿鑒乾隆五十四年二月二十一日奉

旨會副全時宗雨俱著即處斬梟示餘依議欽此



糧書多票重征從重為奴用印家人未經查出  
減等滿徒

刑部議覆湖南巡撫浦 奏稱竊照湖南武陵縣  
書張宗欽等舞弊重征經臣恭摺奏欽奉

諭旨將前署武陵縣知縣李敘現在武陵縣知縣鄧謙利  
革職拏問交臣提同犯証嚴審定擬等因欽此查官  
吏舞弊重征必須將民間重征票底清查盡數繳出  
庶使水落石出毫無遁飾臣于恭奏後即飭委到任  
在後之岳常澧道臧榮青令同並非本管之辰永沅



靖道王家賓馳赴該縣分路搜查茲據該道等申稱  
分赴該縣四鄉出示召告並傳詢保甲人等又查出  
縣書黃興邦羅守鴻楊嵐軒等重票六張除楊嵐軒  
先已病故外現將黃興邦羅守鴻拏獲解省此外並  
無被害重征之人並於六月十八日准直隸總督臣  
劉 委員將李敘押解到楚當卽飭司審擬詳解去  
後茲據按察使恩長會同布政使郭世勳鹽法道姚  
學瑛審擬詳解到臣隨率同該司道等逐加研訊緣  
武陵縣征收錢糧均係櫃書刷印連三串票每百頁  
爲一本送署用印一給完糧花戶收執一入實存冊  
內比銷一存原釘本內名爲串根繳署備查此內錯  
多一張卽行銷燬錯少一張亦令添補俱由內署查  
清以杜弊混立法本屬詳慎乾隆五十年三月署武  
陵縣李敘任內值新舊錢糧並征印發串票甚多用  
印家人吳松因串多忙迫不及細查頁數櫃書張宗  
欽黃興邦起意混冒遂于所送舊餉串票內各多釘  
二張吳松未經查出隨有柜書羅守鴻多釘三張楊  
嵐軒多釘一張吳松亦未查出各犯遂私自扯去藏



匿其繳存串根仍係每本一百張繳存備案此櫃書  
乘機竊串之實情也張宗欽將竊匿印票填寫周大  
緒周大晞二戶四十九年應完餉銀各八錢捏稱代  
為墊完向花戶索取周大緒等因完餉印票現存斥  
其重征將重票收去張宗欽畏懼逃歸銀未索詐八  
已黃興邦乘花戶游義完五十年新餉一兩游元完  
新餉九錢羅守鴻乘花戶丁上加完新餉七錢二分  
四厘丁有二完新餉一兩四錢一分七厘丁實加完  
新餉七錢三分九厘楊嵐軒乘花戶宗應榜完新餉  
五錢七分三厘均將竊匿印票填給得銀入己又屯  
書鮑甫臣將署發征收舊餉串票二本先行抽匿八  
張捏稱裝釘短少混請補發乘花戶王用儒完新餉  
一兩一錢六分六厘王登鰲完新餉一兩一錢七分  
九厘唐治榮完新餉五錢陳士槐完新餉六錢王昌  
完新餉四錢王用祥完新餉九錢王正語完新餉九  
錢周用甫完新餉五錢將竊匿串票用濃墨塗蓋年  
分作為新票填給內有王用儒王登鰲二戶看出票  
內年分不符鮑甫臣畏懼將銀退出投櫃給與新票



其唐治榮等六戶餉銀侵蝕入已至五十二年三月  
 間鄧謙利任內開征新舊錢糧唐尙德送五十  
 一年舊票用印亦多釘二張用印家丁袁桂未經查  
 出該犯乘花戶周登榮完五十二年新餉六錢九分  
 龍尙蒂完新餉三錢八分二厘亦將舊串作新票填  
 給得銀入己因各花戶本係鄉愚又因串票年月之  
 上皆用濃墨塗蓋不能查出迨後催征新糧各花戶  
 因已經完納執票赴房查對該書等以所執印票係  
 上年舊餉並非新餉責令補完另給新票花戶等無  
 從置辯亦卽俯首重完此又該櫃書等舞弊重征之  
 實情也臣查該書等于五十年三月內竊票重征起  
 至五十二年三月復有竊票之事則重征之數必不  
 止此十八戶且串票每本一百頁歷來並無多出獨  
 李敘鄧謙利兩任內屢有多餘若非串通用印家人  
 何能人人效尤致有多票夾入任意滋弊隨嚴加夾  
 訊據供向來本官稽察嚴明用印家人查點細繳從  
 不能得有重票因見李敘鄧謙利任內家人用印忙  
 迫時並不細查頁數該犯等遂乘機夾入朦混印出

所見集三 卷之二 盜賊下

四三 詐欺官司取財



私行填用此外並無隱匿用印家人亦無通同舞弊情事反覆詰訊矢口不移提訊李敘家人吳松鄧謙利家人袁桂堅供每次印給串票忙迫時或七八百張或多至一千餘張一時查數不清致有多出並非串通舞弊如果得受書辦銀錢私行印給必不止此十餘張該書等現俱到案亦斷不肯代為隱瞞等語臣後詰訊叅員李敘鄧謙利據供叅員等如果有意私征自必設法征收何肯多給重票顯然舞弊使百姓得以倒持其柄雖至愚之人必不出此櫃書竊票舞弊屢出示召告並委大員分查除此十八張之外並無重征之票存留民間且核計重征銀數叅員李敘任內通計十二票共銀九兩一錢有零叅員鄧謙利任內通計二票共銀一兩七分有零為數無多叅員等卽甚不肖何肯貪此蠅頭與蠹書朋分作此無恥犯法之事但身為縣令不能查出櫃書舞弊致有重征病民之事就是叅員們獲咎甚重祇求嚴加治罪等語臣查該縣額征錢糧共四萬五千一百餘兩如果官吏通同舞弊任意重征民間自必早已控發



今反覆嚴訊實係蠹書欺壓鄉愚將竊去印票朦混  
填給私向訛詐故所取不多而受害之人亦僅止此  
十八戶且經派委道員分路嚴查此外並無被害重  
征之人似無遁飾除楊嵐軒病故不議外將鮑甫臣  
擬發伊犁等處給兵丁爲奴張宗欽黃興邦羅守鴻  
唐尙德擬發近邊充軍叅革知縣李敘鄧謙利發往  
軍臺効力贖罪吳松等擬徒等因具 奏前來查例  
載詐爲州縣文書誑騙財物者發近邊充軍等語此  
案鮑甫臣身充縣書胆敢將官署印發舊餉串票偷  
匿八張捏稱少釘混請補發復將所匿串票用濃墨  
塗蓋年分冒作新票填給花戶侵蝕餉銀實屬居心  
狡詐且係知法故犯鮑甫臣應如該撫所奏合依詐  
爲州縣文書誑騙財物發近邊充軍例從重發往伊  
犁給與兵丁爲奴至張宗欽黃興邦羅守鴻唐尙德  
等均充該縣糧書輒乘新舊錢糧並征印發串票之  
際各于所送舊餉串票內多釘篇頁朦混印出私填  
重征訛詐各戶核與鮑甫臣之竊匿舞弊情罪無異  
自應一例問擬鮑甫臣既發伊犁張宗欽等四犯未



便僅如該撫所奏止發近邊充軍天之寬縱張宗欽  
 黃興邦羅守鴻唐尚德應從重改發烏魯木齊給兵  
 丁為奴均照例刺字已革知縣李敘鄧謙利雖訊無  
 通同染指情弊但于征收重務並不先事防維以致  
 蠹書相率效尤舞弊重征雖經革職不足示懲李敘  
 鄧謙利應如該撫所奏均發往軍臺効力贖罪以儆  
 昏庸再該撫奏稱家丁吳松袁桂專管用印並不小  
 心檢發以致櫃書竊串重征應于張宗欽等軍罪上  
 減一等各杖一百徒三年至配所折責擺站各花戶

均係鄉愚被其欺騙不能查出首告應毋庸議侵收  
 各戶錢糧于各犯名下照數追出給領重票案結銷  
 燬等語均應如該撫所奏完結再該撫奏稱該管堂  
 德府知府何澤著在任八年有餘李敘鄧謙利皆其  
 任內屬員且近在同城乃一任蠹書舞弊病民毫無  
 聞見非尋常失察可地應請

旨交部嚴加議處其餘歷任失察各上司逐一查明另行  
 咨叅等語應俟

命下移咨吏部照例辦理等因乾隆五十二年八月初六





日具 奏初七日奉

旨依議欽此

鄉約索詐十兩以上尙未得贓減徒又聽母贖

控索銀二千兩仍照蠹役充軍廢疾不准收贖

刑部奏據 欽差刑部左侍郎姜 奏山西祁縣民

婦段龐氏因子段如珩段臭小子等毆打成廢圖得

養贍銀兩帶子赴京越控段如珩圖索段立本銀兩

未遂首報其妾武氏自盡命案審擬治罪一摺緣段

如珩先于乾隆四十九年間輪充本村鄉約十一月

內有伊族叔段立本之妾武氏因煮飯未熟被罵忿

激自縊身死通知屍父武定邦查看無傷殮埋未報



段如珩曾向段立本借銀十兩未給赴縣首報該縣知縣陳士玉傳到段立本武定邦審無別故取結免驗並未通詳旋因段姓族例每逢元旦祀祖按丁各出錢五十文值年人承辦五十年正月初一日段如珩携錢五十文前赴輪值當祭之段有小子家致祭時段立本及其堂兄段羊鬍子堂姪段臭小子等以段如珩少出伊弟一分錢文并斥其平日不顧族誼不令與祭段如珩不服吵罵伊胞叔段明旺亦嗔其有傷顏面喝令毆打段立本等即將段如珩推出門

外段羊鬍子掌批其頰段立本將其摔倒脚踢右腿段如珩肆罵段臭小子順拾磚塊連毆其右脚外腿數下不能行動段四牛子背送回家段如珩向伊母段龐氏訴知段龐氏以伊子被毆皆由段立本挾伊子首報其妾縊死之嫌于初二日在縣呈控並將段立本胞弟段三娃段四娃一併列入而段明旺及族長段福仕等亦以段如珩母子素行爲匪等詞投訴公呈時值封印期內該縣陳士玉于二月初二日出票差傳人証未齊並以段如珩受傷不能到案亦未



親往相驗論俟傷痊再審延擱多時至十月內段龐氏因段如珩傷痕敷治不痊投案稟驗經該縣驗明段如珩腳踝骨損已成廢疾催傳犯証投審段立本狡不承認該縣卽諭令在外聽傳亦未羈押段龐氏不甘卽于十一月內赴府呈控經陞任太原府知府盛祿檄縣審辦該縣陳士王因已奉委押餉進京正當卸事移交署任崔時泰接審據段臭小子供認磚毆段如珩右腳骨損段明旺喝令毆打因段立本段羊鬍子尙狡供不吐各加刑夾亦承認帮毆當將各犯監禁照例錄供通詳段臭小子旋于二月十五日在監患病交保調治不痊于三十日病故復經詳報有案陳士玉于四月內回任提審段立本等起衅情節各犯俱供因段如珩少出祭費起見當將段立本段羊鬍子照威力拷打爲從減一等律係無服族長再減一等擬杖六十段臭小子照毆人至廢疾律擬徒聲明病故段明旺主使毆打係期親服叔照例勿論等因于五月內通詳于七月內奉批照擬發落段龐氏以事由段立本挾恨伊子首報命案未經審出



心仍不服並以伊長子段如元三子段如錦早年外出貿易今次子又成廢疾貧苦無依疊赴府司控求斷給養贍銀兩俱經發交陽曲縣遞回本邑管束該縣陳士玉因查傳伊長子段如元未到勒交段明旺保領每月暫給養贍錢三千文詎龐氏經官斷給錢文益恃爲分所應得輒思乘機多索銀兩以資度活復于五十二年三月以懇給養贍銀三千兩等詞赴院呈訴經陞任撫臣勒批府飭委陽曲嵐縣二合審屬無稽遞本縣傳到段如元保領段龐氏情知本省控告無益于十二月內携子段如珪赴京圖控

如元以伊母將地賣給盧全禮後卽行進京疑係盧全禮主唆所致在縣稟報該縣差役備文赴京關提經該役武錦俊吳玉國在廣渠門外找見該氏母子卽喚令回縣該氏向稱須給銀三千兩始肯干休武錦俊等約以回縣易爲措辦旋卽押全回籍適陳士玉緣事降調署縣任銜蔡因追究唆訟情事龐氏頂撞撒潑曾經掌責控指嗣經審明盧全禮並無唆訟情事時該氏長子復赴義州當將該氏官爲當押迨



五十三年九月內經署縣劉興志念其母老子殘釋  
令寧家而該氏因曾受刑押索銀未遂益懷不忿于  
本年三月間復同子赴京在步軍統領衙門呈控此  
段龐氏節次具控及該地方官歷年辦理之原委也  
臣復查該縣陳士玉先經另案降調于上年五月給  
咨赴補其當日辦理此案武氏自盡之處未經照例  
通詳嗣段如珪被毆具控延擱多時並不驗傷保辜  
及經控府發審僅照段明旺等因短出祭費肇衅供  
情而以病故之段臭小子擬徒完結疎玩固不待言

更恐有聽受賄囑別情未便因其離任不爲徹底根  
究至龐氏母子年老殘廢圖得些養贍尙屬恒情何  
至索銀一二千兩之多况段臭小子毆人成廢果係  
挾嫌肇衅罪亦止于杖徒原詞控呈上下酒銀當日  
官吏人等如何賄通舞弊詰令龐氏段如珪詳悉供  
指據該氏母子供稱當日陳知縣將段臭小子們收  
監審問段臭小子先承認打傷右腳後來問罪時他  
雖病死官府將段立本段羊鬍子打了板子伊等都  
是知道的所說上下酒銀原想他家有了控告的事



自然要在衙門花用些銀子何以獨不肯給伊養贍  
伊母子二人年老殘廢實在難以度日想要他們湊  
出二三千兩銀子給伊過活就是說到官府不爲究  
辦也說的是不斷給養贍的話實在指不出段立本  
們賄賂的實據等語隨提承辦本案之刑書郭創基  
並歷署縣事之任銜蔡劉興基及現任知縣劉佳珣  
等遍加究詢據郭創基堅供武氏縊死一案因屍親  
供明委係無傷自縊具結懇求免驗陳本官以案情  
無關係要取結立案失于詳報實是一時疎畧至段

如珣被毆一案陳本官因龐氏初來喊稟時未說伊  
子傷至骨損所以止出票傳審因案犯未齊又是大  
路辦差公忙以致耽擱多時後來屢次審問衆人堅  
供段如珣少出一分祭祖錢文起衅就是段如珣胞  
叔段明旺也是一樣口供本官就照衆人口供定案  
詳辦若有受賄聽囑的事本官就不把段立本照例  
責處了崔知縣任內還因段立本們不肯承認夾過  
夾棍龐氏也有見的况陳知縣已經離任我如何還  
替他隱瞞呢又據任銜蔡等僉稱陳士玉辦理此案



伊等留心察訪實無受賄情事各等情復將段立本之弟三娃四娃及同毆之段羊鬍子并段如珩之叔段明旺等各加推鞠供無異詞惟以當日啟衅鬪毆段臭小子係段立本之姪顯係挾嫌逞忿段明旺係段如珩之叔不爲諭解反出頭喝毆至成廢疾顯有袒護段立本之處嚴加駁詰段明旺等俯首不能置辯再該氏在京所供知縣用刀紫其臉旋稱并未見有刀子本屬支離今復訊署知縣任銜葵據稱因其頂撞撒潑曾經掌責拶指屬實豈有刀扎之理又該氏供有縣役武錦俊在京許銀二千兩並立欠字仍被奪去等詞研究武錦俊供係謊語並無欠字質訊龐氏段如珩亦據供明誣捏又該氏在京供有攜帶嫁女財禮銀七十兩交庫一節今復據稱除在途費用銀二十三兩二錢實剩銀四十六兩八錢經該縣管押時將銀貯庫准其零星支用查核卷內有該氏領狀一紙業將所存銀兩全數領訖以上各情臣逐層推究俱各矢口不移似無遁飾將段如珩擬軍段龐氏擬徒段立本等擬以枷杖等因具 奏前來查



例載有曾經法司督撫等衙門斷明事件意圖翻異  
告者杖一百徒三年又縣總里書犯贓入已照衙役  
犯贓擬罪蠹役索贓十兩以上發邊遠充軍各等語  
此案段龐氏之子段如珩被段臭小子等毆成廢疾  
經縣審斷定擬詳奉院司衙門批結乃因圖得養贍  
銀兩屢次翻控今又帶同伊子赴京越訴罪應擬徒  
段如珩輪當該村鄉約首報段立本之妾武氏縊死  
訊因圖索段立本銀十兩未遂起見應照里書索贓  
十兩以上擬軍例贓未入手減等擬徒但該犯聽從

伊母藉求養贍為由列詞瀆控索銀二三千兩僅照  
例擬徒不足示懲應如該侍郎所奏段龐氏合依督  
撫衙門斷明事件意圖翻異謹告例杖一百徒三年  
段如珩應照蠹役犯贓入已十兩以上例發邊遠充  
軍雖係廢疾不准收贖段龐氏究係女流無知且已  
坐罪伊子所得徒罪准其照例收贖該侍郎奏稱段  
龐氏尚有長子段如元三子段如錦同在奉天義州  
落業多年應將段龐氏遞往該處交段如元等領回  
奉養仍令地方官嚴加稽察如再潛出滋事另行從



重辦理段立本有妾武氏自縊身死並不照例報驗  
私埋息事又助毆段如珩右腿有傷按私和人命及  
威力拷打無服尊長為從律均應杖六十但其藉端  
幫毆適在段如珩首報伊妾縊死之後不得謂非挾  
嫌所致應加枷號一個月該犯杖罪先已決責免其  
重科仍令該地方官關提到案補行枷號示儆段明  
莊因伊姪段如珩短出祭祖錢文爭吵細故並不以  
理訓誡輒先喝毆致被段臭小子毆成廢疾繼因伊  
嫂龐氏呈控又復扶同族衆訴為素匪藉圖掩飾該  
犯既于親嫂親姪視同路人轉以服屬期親律得勿  
論寬其應得之咎殊未平允應以凡論卽照威力拷  
打為首本律杖八十再加枷號一個月幫毆之段羊  
鬍子業經照例杖責縣役武錦俊等訊無說合許銀  
情事應與並未幫毆之段三娃段四娃及見証段有  
小子段四牛子并審無情弊之刑書郭創基等均毋  
庸議均應如該侍郎所奏完結再該侍郎奏稱原任  
邢縣知縣陳士玉于段立本之妾武氏自縊並不照  
例通詳實屬不職查該員已因隔屬越獄人犯過境



未能盤出奉文降調相應請

旨將降調知縣陳士玉卽照溺職例革職現署襄垣縣前署祁縣任銜葵審究段龐氏唆訟情節因其頂撞撒潑櫻責示儆且龐氏所稱刀扎臉上之處訊無其事應毋庸議等語恭候

命下移咨吏部查照辦理乾隆五十四年閏五月十九日奉

旨依議

職員索詐典商武斷鄉曲從重改發黑龍江爲

奴

刑部奏據湖北撫惠 奏稱沔陽州已革捐納布政

司經歷職銜趙運泰恃符健訟咆哮公堂又黃岡縣

已革武舉王治岐武斷鄉曲索詐典商密擬治罪一

摺奉

硃批該部議奏欽此欽遵抄出到部查例載兇惡棍徒無

故生事擾害良人發雲貴兩廣烟瘴少輕地方充軍

又乾隆五十四年七月內臣部議奏新疆遣犯人數



衆多除嗣後原定應發新疆條例外其餘情重軍流人犯俱毋庸改發新疆卽分發吉林黑龍江均勻派撥 奏准通行在案此案已革布政司經歷職銜趙運泰恃符健訟拖累多人復敢咆哮公堂已革武舉王治岐武斷鄉曲索詐典商疊次誣控均屬無故生事擾害且俱係職員猶非平民可比今該撫將該二犯擬發伊犁固屬從嚴辦理但查新疆遣犯人數過多此等素不安分之徒若仍發往新疆轉恐滋生事端該二犯雖均係已革職員亦未便拘泥成例仍令當差應將趙運泰王治岐均照情重軍流例改發黑龍江給披甲人爲奴以示懲儆該撫奏稱王乃棟等仍照例問擬發落等語應如所奏辦理爲此謹奏乾隆五十五年二月十六日奉

旨依議



割取屍頭訛詐首犯從重發黑龍江為奴從犯  
滿徒

乾隆五十三年十二月二十日准

刑部咨據廣東撫圖 咨稱惠來縣承審潮陽縣民  
張阿貢等割取病故乞丐饒阿揚屍頭嚇詐胡仁義  
未成一案緣張阿貢籍隸潮陽向在惠來縣屬與陳  
阿縣結伴抬轎度活乾隆五十三年三月初五日下午  
午有乞丐饒阿揚在山狗墩空寮因病身故經屍屬  
張宗和赴寮查覺因回家措錢買棺未即殮埋傍晚




候張阿貢與陳阿縣經過看見張阿貢因貧難度憶  
及胡仁義有錢起意商同割取饒阿揚屍頭嚇詐銀  
錢分用陳阿縣應允是夜二更時分張阿揚携帶小  
刀籃筐陳阿縣徒手同夥二人潛赴屍所張阿貢用  
刀將饒阿揚屍頭割下藏入籃內同陳阿縣將屍抬  
至寮旁沙灘乞坑掩埋張阿貢復携取貯頭籃筐同  
陳阿縣走至胡仁義屋前敲門進內張阿貢將籃放  
下聲稱現有屍頭一顆如肯送給番銀二十員携往  
別處掩埋否則留放陷害胡仁義知係訛詐伴許給

銀併以家內銀兩不敷須出外那湊哄令張阿貢等  
在家等候卽往投同地保吳榮廷走至鞫獲詰出實  
情連屍頭稟解到縣詣驗并據屍屬張宗和投案訊  
供通詳茲據集犯審擬據張阿貢等供認前情不諱  
嚴詰並無另有知情同謀之人查張阿貢因貧難度  
輒敢將饒阿揚病故屍軀割取屍頭向人訛詐克殘  
已極張阿貢合依殘毀他人死屍杖一百流三千里  
律從重發往黑龍江等處給披甲人爲奴陳阿縣合  
依爲從減一等杖一百徒三年雖據供有母方氏現



年七十四歲家無以次成丁但殘毀死屍訛詐事屬  
 擾害應不准其留養餘審無干經縣先行省釋克刀  
 據供丟棄無憑起驗竹籃鋪毀屍棺飭屬領埋除咨  
 吏部外相應咨達等因前來據此張阿貢等均應如  
 該撫所咨完結將張阿貢解部發遣黑龍江給披甲  
 人為奴並令照例彙題可也



文正丁卯



